

E kargadó di Pes

Sharney Lard

Pos mi ta bai, pia na suela mi ta bai
 Yena mi Pes ku awa di pos
 Pa mi pasa dia te mañan

Koro:

Pos mi ta bai
 Pia na suela mi ta bai
 Ku mi rudia riba kabes, pa mi karga e Pes di awe

Poko poko pia pia, mi a kana pasa den maloa
 Djaleu mi a tende babel, di bisiñanan ku a reuní
 Kada ken kargando nan Pes
 Riba e ruta pa bai pos
 Pa pasa e dia di mañan
 Ku legria nan kantando

Koro: Maloa

Koro: Nan Pes

Koro: Riba e ruta

Koro:

Pos mi ta bai
 Pia na suela mi ta bai
 Ku rudia riba kabes, pa mi karga e Pes di awa

Kant: Pos mi ta bai

Tur presente tin pasado
 Perseverá i no entrega,
 man na obra sigui lucha
 Eksperensia di bida e ta
 Mi trompeká o mi dal abou,
 Stòf e kurpa lanta bék
 Sigui firme tras di otro
 Buska awa pa por biba awe

Koro: No entrega

Koro: Aiiii

Koro: lanta awe

Mar'e kabuya n'e Pes pa mi
 Drai na e winchi, i keda
 Yena mi Pes pasa dia te mañan

Koro: Fir'e

Koro: Hala



Mare kabuya n'e Pes pa mi
Drai na e winchi, i keda
Yena mi Pes ku awa di pos pa mi pasa dia te mañan (2x)

Koro: Fir'e
Koro: Hala

Koro: Ta, na boka di pos mi ta bai

Bai buska awa pa kushina i laba kas
Yena e tinashi ku awa pa refreská
Ma dal un baño ku awa di pos mi ruman
Ku brasa fuerte, ta karg'e Pes hiba kas

Koro: pos mi ta bai, ta bai mi ta bai

Aweeeeeee,
Sali ban awe
Tin awa pa kas
Wapa bo ban
Si tempu tin sekura,
ta awa di pos ta remediá
Karanan kontentu,
pa gradesí nos kreador
Sabiduria di nos grandi,
pa koba pos i konserva
Agrikultura ta biba awe,
ora mulina ta sigui drai
Historia di koba pos,
prohibí pa nos lubidá
Hooo, Ban ku mi awe
D'jawe na welo 2x

Kick:

Kue bo kabuya pa nos	Koro: fir'e,
Keda tene:	Koro: hala
No lag'e bai	Koro: fir'e, Hala 3x
Pa Yena bo Pes	Koro: fir'e
Ranka ranka	Koro: Hala
No lag'e bai	Koro: fir'e, hal'e 3x
Promé ku solo Sali	Koro: pos mi ta bai, ta bai mi ta bai



Traha duru kontra nochí
Karanan kontentu,
Pa kana e ruta di bai pos
Si awe yama awe
D'jawe na welo
Ban ku mi awe
Karga bo Pes, na kabes

Bai buska awa pa kushiná i laba kas
Yena e tinashi ku awa pa refreská
Ma dal un baño ku awa di pos mi ruman
Ku brasa fuerte, ta karg'e Pes hiba aya

Koro: Ta, na boka di Pos mi ta bai

Koro: Pos mi ta bai, ta bai mi ta bai

Aweeeeeee,
Sali ban awe
Tin awa pa kas
Wapa bo ban
Si tempu tin sekura,
ta awa di pos ta remediá
Karanan kontentu,
pa gradesí nos kreador
Sabiduria di nos grandi,
pa koba pos i konservá
Agrikultura ta biba awe,
ora mulina ta sigui drai
Historia di koba Pos,
prohibí pa nos lubidá
Hooo, Ban ku mi awe

D'jawe na welo 2x

Kick:

Kue bo kabuya pa nos
Keda tene:
No lag'e bai
Pa Yena bo Pes
Ranka ranka
No lag'e bai

Koro: fir'e,
Koro: hala
Koro: fir'e, Hala 3x
Koro: fir'e
Koro: Hala
Koro: fir'e, hal'e 3x
Koro:Pos mi ta bai, ta bai

Deskripshon di Seu

E kargadó di Pes

Ántes bida tabata diferente, mirando kuantu trámite i energia mester a hinka den e parti pa por yega na awa pa kas. Awa ta importante pa nos. P'esei nos ta yama danki na Kreador ku ta duna nos awa den forma di yobida. E awa ta ser saturá den tera i tambe sa yena nos posnan. Na momento ku mester di awa, nos avochinan a siña nos kon pa koba i traha un pos kobá na man. Awendia esaki ta bai ku mashinnan grandi ta koba un pos. Bo ta bira un kargadó di Pes for di chikí. Bo grandinan ta guia bo den esaki. Ta bai buska awa pa kushiná, banka, bebe i pa usonan domestiká. Kaminda por ta largu i ku kontratempu ku bo Pes por kai na mitar kaminda basha abou. Trabou duru atrobe pa bai te na e pos. Tabata karga e Pes kual ta un bleki spesial pa karga e awa aden poniendo un paña lora plat riba e kabes pa karga e bleki, esei tabata yama u rudia.

Ku esaki djis un “wayback” kon e bida di buska awa na Pos.

- Maloa ta un pal'i maishi ku ta sirbi como kuminda di bestia.
- Winchi ta un tipo di katròl pega riba un pos, pa snek e kabuya baha e Pes den pos, subié yen di awa.
- Pes ta un bleki grandi spesial pa karga awa aden

Kompositor: Marilou Boeldak